

Broj: 06-03-69-20/1/15
Mostar, 23.06.2015. godine

Na osnovu člana 21., člana 37., člana 42., člana 84., člana 86. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), člana 20. i člana 47. Pravilnika za izdavanje dozvola („Službene novine Federacije BiH“ broj 43/14), člana 12. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za izdavanje dozvole za rad za proizvodnju električne energije broj 06-03-69/1/15 od 21.01.2015. godine podnosioca zahtjeva „VRBAS-ENERGIJA“ d.o.o. Donji Vakuf u postupku prenosa Dozvole za rad za proizvodnju električne energije broj 06-03-307/7/14 od 12.09.2014. godine, sa G.P.P.D. „VLAŠIĆ-GRADNJA“ Travnik kao postojećeg imaooca dozvole na „VRBAS-ENERGIJA“ d.o.o. Donji Vakuf, Regulatorna komisija za energiju u Federaciji Bosne i Hercegovine – FERK je dana 23.06.2015. godine na XI redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije podnosiocu zahtjeva „VRBAS-ENERGIJA“ d.o.o. Donji Vakuf.
2. Utvrđuje se „VRBAS-ENERGIJA“ d.o.o. Donji Vakuf status kvalifikovanog proizvođača u objektu mala hidroelektrana „Torlakovac“ u periodu važenja dozvole iz tačke 3. ovog rješenja.
3. Dozvola za rad izdaje se na period do 24.09.2024. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. Imalac dozvole je obavezan plaćati regulatornu naknadu tromjesečno, u periodu važenja dozvole i u iznosu koji utvrdi FERK posebnom odlukom.
6. Stupanjem na snagu ovog rješenja prestaje važiti Rješenje broj 06-03-307-16/7/14 od 12.09.2014. godine kojim je izdata Dozvola za rad za proizvodnju električne energije za G.P.P.D. „VLAŠIĆ-GRADNJA“ Travnik.
7. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 21.01.2015. godine FERK je od postojećeg imaooca dozvole G.P.P.D. „VLAŠIĆ-GRADNJA“ Travnik primio Zahtjev za prenos dozvole za rad pod brojem 06-03-69/1/15, te dana 06.02.2015. godine dopunu Zahtjeva za prenos dozvole za rad pod

brojem 06-03-69-01/1/15. U prilogu tog zahtjeva primljen je i Zahtjev za izdavanje dozvole za rad za proizvodnju električne energije podniet od „VRBAS-ENERGIJA“ d.o.o. Donji Vakuf, kao pravnog lica na koje se želi izvršiti prenos dozvole, u proizvodnom objektu mHE „Torlakovac“ za koji je FERK Rješenjem broj 06-03-307-16/7/14 od 12.09.2014. godine G.P.P.D. „VLAŠIĆ-GRADNJA“ Travnik izdao Dozvolu za rad za proizvodnju električne energije broj 06-03-307/7/14 od 12.09.2014. godine. Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi dostavio podnosiocu zahtjeva Obavještenje o nedostacima podnesenog Zahtjeva za prenos dozvole za rad broj 06-03-69-02/1/15 od 17.02.2015 godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnositelj zahtjeva je dostavio dopis primljen u FERK 23.02.2015. godine pod brojem 06-03-69-03/1/15, te dopis primljen u FERK 27.02.2015. godine pod brojem 06-03-69-04/1/15, kao i dopis primljen u FERK 05.03.2015. godine pod brojem 06-03-69-05/1/15, uz koje je dostavio dio tražene dokumentacije i obrazloženja. U cilju potpunog kompletiranja dostavljene dokumentacije, FERK je podnosiocu zahtjeva 26.03.2015. godine dostavio Zahtjev za informacijama broj 06-03-69-06/1/15, povodom kojeg je podnositelj zahtjeva dostavio dopis primljen u FERK dana 07.04.2015. godine pod brojem 06-03-69-07/1/15, dopis primljen u FERK 08.04.2015. godine pod brojem 06-03-69-08/1/15, te dopis primljen u FERK 08.04.2015. godine pod brojem 06-03-69-09/1/15, kao i dopis primljen u FERK 13.04.2015. godine pod brojem 06-03-69-10/1/15, uz koji je dostavio traženu dokumentaciju i obrazloženja. FERK je postupajući u skladu sa članom 86. Zakona o električnoj energiji u Federaciji Bosne i Hercegovine, odnosno u skladu sa članom 47. Pravilnika za izdavanje dozvola, 07.05.2015. godine donio Zaključak broj 06-03-69-12/1/15 kojim se odobrava provođenje postupka prenosa Dozvole za rad za proizvodnju električne energije broj 06-03-307/7/14 izdate Rješenjem broj 06-03-307-16/7/14 od 12.09.2014. godine sa G.P.P.D. „VLAŠIĆ-GRADNJA“ Travnik kao postojećeg imaooca dozvole na „VRBAS-ENERGIJA“ d.o.o. Donji Vakuf. U obrazloženju navedenog zaključka, FERK je, uz ostalo, naveo i da ukoliko FERK ocijeni da je „VRBAS-ENERGIJA“ d.o.o. Donji Vakuf, sposoban zadovoljiti uslove predmetne dozvole, rok trajanja Dozvole za rad za proizvodnju električne energije broj 06-03-307/7/14 od 12.09.2014. godine, kao i sadržaj te dozvole ostaju isti.

Postupajući u skladu sa članom 15. Pravilnika za izdavanje dozvola, FERK je 08.05.2015. godine u „Oslobođenju“ i na svojoj internetskoj stranici objavio Obavještenje za javnost o podnesenom Zahtjevu za izdavanje dozvole za rad za proizvodnju električne energije podnosioca zahtjeva „VRBAS-ENERGIJA“ d.o.o. Donji Vakuf u postupku prenosa Dozvole za rad za proizvodnju električne energije broj 06-03-307/7/14 od 12.09.2014. godine sa G.P.P.D. „VLAŠIĆ-GRADNJA“ Travnik kao postojećeg imaooca dozvole na „VRBAS-ENERGIJA“ d.o.o. Donji Vakuf. Povodom Obavještenja za javnost, FERK do roka naznačenog u obavještenju odnosno do 25.05.2015. godine, nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umještača.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 55. Pravilnika o javnim raspravama i rješavanju zahtjeva, sporova i

žalbi, obavijestio podnosioca zahtjeva o svojoj namjeri provođenja postupka izdavanja dozvole bez održavanja formalne rasprave, putem Obavještenja broj 06-03-69-14/1/15 od 01.06.2015. godine i kojim mu je data mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do naznačenog roka. Postupajući po navedenom obavještenju, da se postupak izdavanja dozvole provede po skraćenom postupku, podnosilac zahtjeva nije dostavio FERK-u nove činjenice u vezi sa predmetom postupka, te nije uputio druge komentare FERK-u.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 17. stav (2) i stav (3) Pravilnika za izdavanje dozvola, pripremio Nacrt dozvole za rad za proizvodnju električne energije podnosioca „VRBAS-ENERGIJA“ d.o.o. Donji Vakuf po zahtjevu broj 06-03-69/1/15 od 21.01.2015. godine. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-69-15/1/15 od 11.06.2015. godine usvojio Nacrt dozvole za rad za proizvodnju električne energije, dok je Odlukom FERK-a broj 06-03-69-16/1/15 od 11.06.2015. godine ovaj nacrt upućen u proces javne rasprave, te je određeno mjesto, datum i vrijeme održavanja opšte rasprave o predmetnom Nacrtu dozvole za rad za proizvodnju električne energije, imenovan voditelj postupka i zamjenik voditelja postupka, kao i da zainteresovana lica svoje usmene komentare na Nacrt dozvole za rad za proizvodnju električne energije mogu dati na opštoj raspravi koja je održana 19.06.2015. godine u 11:00 sati, u prostorijama FERK-a u Mostaru, a pisani komentari su se mogli dostaviti na adresu FERK-a ili na elektronsku adresu, u periodu od 11.06.2015. godine do 22.06.2015. godine do 10:00 sati.

Opštoj raspravi o Nacrtu dozvole za rad za proizvodnju električne energije prisustvovali su predstavnici FERK-a.

Do ostavljenog roka za dostavu pisanih komentara, odnosno do 22.06.2015. godine do 10:00 sati, u FERK nisu primljeni pisani komentari na Nacrt dozvole za rad za proizvodnju električne energije.

U skladu sa članom 26. stav (2) Pravilnika o javnim raspravama i rješavanju zahtjeva, sporova i žalbi, a na osnovu održane opšte rasprave, voditelj postupka pripremio je pisani izvještaj, koji je sadržavao kratak pregled toka rasprave, zapisnik sa opšte rasprave, komentare, analizu datih komentara i preporuke, te je iste uputio podnosiocu zahtjeva na komentare dana 22.06.2015. godine pod brojem 06-03-69-18/1/15.

Podnosilac zahtjeva je povodom navedenog FERK-u dostavio 22.06.2015. godine dopis primljen u FERK pod brojem 06-03-69-19/1/15, u kojem je naveo da je saglasan sa Izvještajem voditelja javne rasprave, te da na navedeni tekst Nacrta dozvole za rad nema primjedbi.

Izvještaj voditelja postupka sa komentarima podnosioca zahtjeva dostavljen je članovima FERK-a dana 22.06.2015. godine pod internim brojem 06-08-164/15, na razmatranje radi donošenja odluke.

Na osnovu obrade Zahtjeva za izdavanje dozvole za rad za proizvodnju električne energije podnosioca „VRBAS-ENERGIJA“ d.o.o. Donji Vakuf u postupku prenosa Dozvole za rad za proizvodnju električne energije broj 06-03-307/7/14 od 12.09.2014. godine sa G.P.P.D. „VLAŠIĆ-GRADNJA“ Travnik kao postojećeg imaooca dozvole na „VRBAS-ENERGIJA“ d.o.o. Donji Vakuf i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o

električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, kao i analize postupka opšte rasprave, odnosno izvještaja voditelja postupka i komentara podnosioca zahtjeva na izvještaj voditelja postupka, u dozvoli koja je predmet ovog rješenja podnosiocu zahtjeva postavljene su, u skladu sa članom 32., članom 33. i članom 47. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu „VRBAS-ENERGIJA“ d.o.o. Donji Vakuf, da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Đulizara Hadžimustafić